

Bonvesin de la Riva

De quindecim miraculis que debent apparere ante diem iudicij

-
- 1 A prov la fin del mondo, s'el è ki'n voia odire,
quindex mirabi signi in quel temp den parire,
li quai in quindex di sì devran avenire,
e zo da san Yeronimo sì fi trovo a dire. 4
 - 2 Lo premeran miraculo il premier di serà
ke l'aqua de lo mare in alt se drizarà
e sor tute le montanie plu olta parirà
e ferma on so logo a moho de mur starà. 8
 - 3 Lo di segond apresso la mar descenderà
e calarà intanto com ella voss montà.
Intant ki foss in riva e el voless guardà,
a pena k'el la possa veder e remirà. 12
 - 4 Lo terzo di apresso grang bestie den parir,
ke tut ad alta vox firan olzue ruzir,
significand k'in proximo lo mond se'n dè partir
ke tut le coss vivente a fog devran morir. 16
 - 5 Lo quarto di dé arde la mar e le fontan.
Lo di cinquen le erbe e i arbora da doman
inrosadhai de sangue mirabelment parran,
significand ke'l mondo se'n dé andar totan. 20
 - 6 Lo di sexen tal segno devrà parir perman:
molt cas e mult dificij aruinar devran.
Lo di seten molt pree insema trussaran
E l'una contra l'oltra trussand se spezaran. 24

- 7 L'ogien di tut lo mondo ingualmente tremarà,
ingualmente terremoto per tut lo mond serà.
Lo di noven apresso la terra 's 'deguarà,
la val co la montania ingualmente andarà. 28
- 8 Lo dexen di tug homini che seran stai ascusi,
li quai seran fizidhi stremidi e spagurusi,
appariran il plaze tremand e angustiusi,
ni favellar porran, tant han ess angoxusi. 32
- 9 I no porran parlar, com homni dexsensai,
staran mut entre si, stremidhi e spagurai,
vezando lor miracui e li temp stracambiai,
vezand li sign mirabi ke mai no fon cuintai. 36
- 10 L'undexen di appresso tal segn se dé monstrar:
le oss de tug li morti devran tut resustar.
So le soe sepulture apparegiae den star
e l'ora dra sententia illò den aspegjar. 40
- 11 Lo doesen di serà tal segn meraveioso,
ke molte stell illora parrà ke cazan zoso,
la grang coae del fogo faran l'om spaguroso,
le quae a moho de stelle daran per l'airo zoso. 44
- 12 Lo tredhesen di appresso morrà omihom vivente.
Lo di quatordesen dé caz lo fog ardente,
ke dovrà ard lo mondo e l'airo incontenente,
e le figur del mondo den caz tut in nïente. 48
- 13 Lo quindesen di appresso, segond ke fi cuintao,
tuta la terra e l'airo firà tut renovao,
lo mond firà fag novo, e zascun hom k'è nao
col so proprio corpo dovrà ess resustao. 52